

'Shapawi lain daripada yang lain'

Oleh Sukhairi Thani
sukhairi@bh.com.my

Kuala Lumpur

Menteri Belia dan Sukan, Khairy Jamaluddin Abu Bakar menyifatkan Ketua Pengarah Majlis Sukan Negara (MSN) yang baharu, Ahmad Shapawi Ismail berbeza dengan lapan calon akhir yang memohon jawatan itu, semalam.

Khairy berkata, ketika sesi temuduga, Shapawi dilihat berbeza daripada calon lain yang disifatkan mahu melakukan segala-galanya ataupun mampu melakukan semuanya seolah-olah seperti 'Superman'.

"Saya nampak dia ada satu sikap mengutamakan matlamat dan juga KPI (petunjuk prestasi utama)," kata Khairy dalam sidang media selepas mengumumkan pelantikan Shapawi, semalam.

"Ada beberapa pemohon yang mereka mahu lakukan kesemuanya... boleh melakukan semuanya."

"Satu perkara yang bagus mengenai Shapawi, dia tak mahu mempromosikan diri sebagai 'Superman' yang boleh menyelesaikan semua masalah tetapi dalam masa sama dia kata dia ada sasaran yang perlu dicapainya."

Pengganti belum ada

"Dia dilantik atas pengalaman luas dalam sukan dan menunjukkan visi yang terbaik ketika sesi temuduga. Dia dilantik atas kepakaran dalam pentadbiran sukan dan pengalaman dia se-

» Lulus temuduga kerana ada visi dan sasaran yang hendak dicapainya



Khairy (kanan) **menunjukkan buku laporan** selepas mempengerusikan mesyuarat Lembaga Pengurusan MSN di Bukit Jalil, semalam.

[FOTO MOHAMAD SHAHRIL BADRI SAALI/BH]

bagai pentadbir dalam agensi kerajaan. Dia juga yang pertama memegang semua jawatan tertinggi dalam agensi sukan ini."

Shapawi yang sebelum ini memegang jawatan sebagai Pesuruhjaya Sukan akan memulakan

tugas baharunya berkuat kuasa hari ini manakala penyandang sebelum ini Datuk Seri Zolkples Embong diberi tanggungjawab sebagai Ketua Pegawai Eksekutif (CEO) Sukan SEA Kuala Lumpur 2017.

"Jawatan untuk Pesuruhjaya

Sukan yang baharu masih belum ada lagi. Saya dan KSU (Ketua Setiausaha KBS), akan bincangkan beberapa nama dan kita akan putuskan pada awal Januari ini," kata Khairy.

Pada bulan lalu, KBS mengiklankan jawatan ketua pengarah

itu dan menerima 40 permohonan termasuk satu dari luar negara.

BIODATA

BIODATA

Ahmad Shapawi Ismail

- ⦿ Tarikh lahir:
28 September 1963
- ⦿ Umur: 51 Tahun
- ⦿ Tempat lahir: Selangor
(Dibesarkan di Kedah)
- ⦿ Isteri: Rosni Koronay (Guru)
- ⦿ Anak: 5

Karier

- ⦿ 1987 : Pembantu Penyelidik
Universiti Putra Malaysia
- ⦿ 1988 – 1996 : Pegawai Belia
dan Sukan Majlis Sukan Negara
Malaysia
- ⦿ 1996 – 2005 : Pengarah
Bahagian Persediaan
Antarabangsa Majlis Sukan
Negara Malaysia
- ⦿ 2005 – 2007 : Pengarah
Bahagian Dasar Majlis Sukan
Negara Malaysia
- ⦿ 2007 – 15 Ogos 2012:
Pengarah Bahagian Atlet Majlis
Sukan Negara Malaysia
- ⦿ 16 Ogos 2012 – 16 Jun 2013 :
Ketua Pegawai Eksekutif Institut
Sukan Negara
- ⦿ 17 Jun 2013 – 18 Disember
2014 : Pesuruhjaya Sukan
Malaysia Kementerian Belia
dan Sukan